


www.BibleForChildren.org




San Juan 14



Huasha Jesus cuintanghua callarira casna nisha,
Ama manzharisha turbaringuichichu. Diosta yuyarisha
quirichi, chasnallata ñucatahuas yuyarisha quirichi.
Náuca Yayahua huasibiga ashca lugarguna tiyanmi
causangahuaca, mana chasna acpiga mana cangunata
rimaimachu arani, shuc
lugartami
cangunaraicu
puruntungahua
riuni
nisha.




Ñáuca risha chi lugarta cangunaraicu
puruntushcahuasha, cutillata shamungarauni
cangunata ñucahuan pushangahua, ñuca aungaraushca
lugarllaita cangunahuas aungahua.



Ñáuca cangunashina quiric huauqui Juanmi ani.
Jesucristomandami ñucahuas cangunahuan
pariu Diospa ali mandanai auc runaguna

maunchi, cangunashinallata paimanda
turmintariuni. Jesucristo




cushca ahuantana
yuyaihuan
cangunashinallata
pai shamunata
chapaunimi.



Diospa shimita camachishcaraicumanda
chasnallata Jesucristomanda
yachachishcaraicumandahuas Patmos

nishca islaibi preso
shitashca tiyaurani.



Chiratullai pariulla Diospa Samai ñucata japisha
jahuapachama pushahuara. Chi ratullai jahuapachaibi
shuc mandac apuhua tiyarinata ricurani. Chibi shugmi
tiyaura.




Chasnallata jahuapachais cai pachais, allpa ucuis lamar
ucuis tucui chigunai tiyacunahuas Diosta alabanaura.

Tucuiguna casna rimaushcata
uyarani: Jatun tiyarinaibi tiyauc
Dios, Ovejahuas huiñaigama balic
mangui nisha jahuayachisha
alabashca tucunguimi, tucui


ushaita
huiñaigama
charingui
tucuigunatas
mandangahua
Nishami
rimanaura.



Ñáucami ricurani chi sumac llactata, chi mushuc
Jerusalen nishcata Diospagmandapacha
uraicumuushcata ricurani. Chiga cadsarana huarmi
paihua carita tupangahua alichirishcacuinta sumac
ricuric mara.




Chasnallata jahuapachamanda sinzhita caparishcata
uyarani casna nisha: Cunanga Diospa causanaga
runagunandi anga. Paigunahuan causangami, paigunas
paihua quiquin runaguna manaunga. Jatun Diosca,
paiguna Dios asha paigunahuan pariu causangami.



Chihuashaga chi angel shuc Causachina Yacu nishcata
ricuchihuara, yapa pása pása ricuric chuyac yacuta.
Chi yacuga Dios mandausha tiyarinamandas Oveja
mandausha tiyarinamandas Ilucshiura.



Chi llactaibi Diospa sumacca punzhayachinmi,
Ovejaga bila purucuinta man. Chimandami chi
llactaibi indita quillatahuas mana minishtinzh
chibi punzhayachinghua.



Chi llactamaga ima jiridsahuas mana
yaicungachu, imatas huaglichic
runahuas llullaccunahuas mana
yaicunaungachu.


Astahuanbas Oveja
chariushca causana
quillcaibi
quillcashcagunallami
chimaga yaicunaunga.




Diosca paiguna huacashca ñahui
yacutas pichasha chaquichingami.
Huañunahuas illangami,
huacananahuas, Ilaquirisha
caparinahuas, nanaigunahuas
tucuringami. Tucui chi
ñaupa tiyaccuna ña
tucurishca manga.



Chimanda chibiga imas juchamanda huaglishca mana
tiyangachu, illangamiraun. Dios mandasha tiyarinas,
Oveja mandasha tiyarinahuas chi llactai tiyanaungami.
Paita llaquiuc runagunaga pai munashcata rashami
causanaunga. Paihua
ñahuita ñahuipura
ricunacungaunami.
Paihua shutitas
paiguna urintibi
churashca
mangauna.



Chasnallata tucui huañushca runagunata Diospa ñaupacpi shayaucunata ricurani balichishcatas mana balichishcatahuas. Chasna aushcai librogunata pascaushcata ricurani. Shuc libroga huiñai causaita charic runagunahua shutita quillcashca mara, chiga pascashcami ara. Chi shuc librogunaiga tucui huañushca runaguna rashcagunata quillcashca mara. Dios chi librogunai ricusha paiguna rashca tuputa taripara. Maican runahuas paihua shutita causana quillcaibi mana quillcachishca ashaga chi nina cuchama shitashca tucungami.



Chasna nicpi Diospa Samaihuas, Ovejahua huarmishina
quiric runagunahuas shamuilla Jesus, nisha rimanaun.
Maican caita uyaccunahuas shamuilla nisha rimachun.
Pihuas upinayaushaga upic shamuchun. Pihuas causaita
cuc yacuta munashaga mana pagasha yangalla upic
shamuchun nini.



Yaya Diosca
cai pachai causac
runagunata yapa llaquishcamandami
paihua sapalla churita caima
cachamushca tucui paita quiric
runaguna ama ucupachama
chingarinauchun, astahuanbas
huiñai causaita
charinauchun
nisha.



Romanos 3:23

Tucui runagunaga juchata rashcamandami Diospagma
pactanata mana ushanaunzhu.

Romanos 6:23

Yuyarichi. Juchamanda paganaga huañui man.
Astahuanbas Dios Ilaquisha cushcaga huiñai causaimi
ñucanchi Señor Jesucristohuan shuglla tucushcamanda.

Hebreos 9:27

Chicuintallata caran runa shuc cutinlla huañuna manchi.
Chihuashaga Diospacpi caran shuc ima rashcagunamanda
taripaitucuna anaun.



Efesios 2:8,9

Canguna Jesucristota quirishcamandami Yaya Dios cangunata Ilaquisha quishpichira. Canguna mana imata ranatas ushashcamandallachu quishpichishca tucuranguichi, astahuanbas yangamanda shuc cumbiranata cushcacuintami Dios cangunata quishpichira. Shuc runa pai ushashcamandalla quishpirishaga amullata alabaringa. Ama chasna alabarichun nishami Diosca canguna mana imata rashca acpihuas cangunata quishpichira.

Romanos 10:9,10

Chimanda camba shimihuan Jesusca ñuca mandac amu man nishaga, Dios paita huañushcamanda cuti causachishcata camba shunguhuan quirishaga quishpichishca tucunguimi. Yuyarichi. Camba shunguhuan sirtu quirishami Dioshuan alichishca tucungui, camba shimihuan Cristoga ñucata mandac amu man nisha rimashami quishpichishca tucungui.



San Juan 3:16,17

Yaya Diosca cai pachai causac runagunata yapa
llaquishcamandami paihua sapalla churita caima
cachamushca tucui paita quiric runaguna ama
ucupachama chingarinauchun, astahuanbas huiñai
causaita charinauchun nisha. Yaya Dios mana runagunata
caudsayachingahuachu paihua churita cachara, randi
quishpichichun nishami cachara.

1 San Juan 5:11-13

Chimandami Yaya Dios casna rimashcata nin: Tucui
Jesucristota quiriccunama Yaya Dios huiñai causaita
cushcami. Chi huiñai causanaga paihua churihuagllaimi
tiyaun. Maican runahuas Diospa churi Jesucristota
quiricca huiñai causaitami charin, randi Diospa churita
mana quiricca huiñai causaita mana charinzhu.
Jesucristota quiriccunama caita quillcauni canguna huiñai
causaita sirtu charishcataga yachangahua nisha.



San Juan 14; 2 Corintios 5; Apocalipsis 4, 21, 22

Storyline by: Edward D. Hughes

Illustrated by: Lazarus
and Alastair Paterson

Adapted by: Sarah S.

Quichua, Northern Pastaza NT (qvz) © 2009, Wycliffe
Bible Translators, Inc. All rights reserved.

<https://live.bible.is/bible/QVZWBT/MAT/1>

©2025 Bible for Children, Inc.

www.M1914.org

www.bibleforchildren.org

